

ODLUKA

**O PRIHVATANJU ZADUŽENJA PO SPORAZUMU O FINANSIRANJU
IZMEĐU BOSNE I HERCEGOVINE I MEĐUNARODNOG FONDA ZA
POLJOPRIVREDNI RAZVOJ (IFAD) ZA REALIZACIJU PROJEKTA
RAZVOJA RURALNOG POSLOVANJA (RBDP)**

Sarajevo, septembar 2014. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ i Dom naroda Parlamenta Federacije Bosne i Hercegovine na _____ sjednici održanoj _____
d o n o s i

ODLUKU

O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNOG FONDA ZA POLJOPRIVREDNI RAZVOJ (IFAD) ZA REALIZACIJU PROJEKTA RAZVOJA RURALNOG POSLOVANJA (RBDP)

I.

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o finansiranju (u daljem tekstu: Sporazum) između Bosne i Hercegovine i Međunarodnog fonda za poljoprivredni razvoj (u daljem tekstu: IFAD), u iznosu do 4.805.000,00 SDR (ekvivalent 7.345.000,00 USD) što iznosi 60 % od ukupno odobrenih sredstava za Bosnu i Hercegovinu koja iznose 8.050.000,00 SDR (ekvivalent 12.294.500,00 USD).

II.

Sredstva Sporazuma iz tačke I. ove Odluke koristit će se za finansiranje Projekta razvoja ruralnog poslovanja (u daljem tekstu: Projekt).

Primarni cilj Projekta je smanjenje siromaštva na selu kroz povećanje prihoda ciljne grupe i osnaživanje njihove sposobnosti brzog oporavljanja gradeći profitabilna farmska i ne-farmska preduzeća.

III.

Sredstva Sporazuma iz tačke I. ove Odluke, odobravaju se Federaciji pod sljedećim uslovima:

- rok otplate.....20 godina
- grace period:.....10 godina
- kamatna stopa:.....0 %
- troškovi servisiranja duga:.....0,75 %
- dospijeća:.....polugodišnja
- datumi plaćanja glavnice i kamata:15. februar i 15. august svake godine

IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o finansiranju projekta (Projekt ruralnog poslovnog razvoja) između Bosne i Hercegovine i IFAD-a;
- Projektni sporazum (Projekt ruralnog poslovnog razvoja) između Federacije i IFAD-a.

V.

U periodu implementacije Projekta, u budžetu Federacije nije potrebno osigurati dodatna finansijska sredstva za sufinansiranje Projekta.

VI.

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija - federalni ministar finansija.

VII.

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija i Jedinica za koordinaciju projekta (PCU), formirana pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

VIII.

Implementacija Sporazuma iz tačke I. ove Odluke, ne zahtijeva donošenje novih ili izmjenu postojećih zakona.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRASLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja Nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Osnovni razlog za donošenje ove Odluke je zaduženje Federacije Bosne i Hercegovine po osnovi Sporazuma o finansiranju kod Međunarodnog fonda za poljoprivredni razvoj (IFAD) za Projekt razvoja ruralnog poslovanja. Primarni cilj Projekta povećati produktivnost i poduzetništvo kroz osnažene poslovne i savjetodavne usluge, povećati pristup održivim finansijskim uslugama, poboljšati pristup tržištima i poboljšati ruralnu infrastrukturu i bolju povezanost s tržištem.

Obrazloženje pojedinih tačaka

Tačka I. je nužna kako bi se prihvatilo zaduženje Bosne i Hercegovine kod Međunarodnog fonda za poljoprivredni razvoj (IFAD).

Tačkom II. potvrđuje se namjena utroška sredstava Sporazuma.

Tačkom III. precizirani su uslovi Sporazuma.

Tačkom IV. potvrđuje se da je dokumentacija parafirana tokom pregovora sa Međunarodnim fondom za poljoprivredni razvoj (IFAD) prihvatljiva za Federaciju BiH, što je uslov da Bosna i Hercegovina i Međunarodni fond za poljoprivredni razvoj (IFAD) pristupe potpisivanju Sporazuma o finansiranju.

Tačkom V. se definira da nije potrebno osigurati dodatna sredstva u budžetu Federacije za ovu namjenu.

Tačkom VI. daje se saglasnost za potpisivanje Supsidijarnog sporazuma kao i ovlaštenje federalnom ministru finansija - federalnom ministru finansija da u ime Federacije potpiše isti.

Tačkom VII. se za realizaciju ove Odluke zadužuje Federalno ministarstvo finansija - Federalno ministarstvo financija i Jedinica za koordinaciju projekta (PCU), formirana pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

Tačkom VIII. potvrđuje da za implementaciju Sporazuma o finansiranju nije potrebno donijeti nove ili izmijeniti postojeće zakone.

Tačka IX. propisuje stupanje na snagu ove Odluke.